



**Global Storybooks**

[globalstorybooks.net](http://globalstorybooks.net)


**Ekiro Nalw'eka ingaghenda**

**omw'akibugha**

✎ Lesley Koyi, Ursula Nafula

👤 Brian Wambi

📄 Amos Mubunga Kambere



This work is licensed under a Creative Commons

[Attribution 4.0 International License.](https://creativecommons.org/licenses/by/4.0)

<https://creativecommons.org/licenses/by/4.0>



**Ekiro Nalw'eka  
ingaghenda  
omw'akibugha**



✎ Lesley Koyi, Ursula Nafula

👤 Brian Wambi

📄 Amos Mubunga Kambere

|| 3

🗨️ Olukonjo koo



Ah'ebbasi yikimana omwakyalo kyethu hakusulha abandu haima n'esya'bbasi esihekire abandu banene erirenga ekipimo. Ahisi okwakithaka naho hanuswire ebindu. Abalebesya bakabirikira n'erithulha ah'esya'bbasi sikaghenda.



“Kibugha! kibugha! oyukaghenda  
ebulengera lyuba” omlebesya  
akabirikira. Eyo y'ebasi  
eyikendindwalha omw'akibugha.



Ebbasi eyikaghenda omwakibugha yabya iyabiryosulha, kyonga abandu abakinayisoka muyo. Abandi ibanemuhira emighughu yabo yahisi y'ebbasi. Abandi bakasambiraya emighughu yabo okwa ndatha y'ebbasi.



Ebbasi eyikasuba omw'akyalo neryo muyanguha eryosulha. Obo yikayasubayo ewethu, naghi namasighalira erirondekania ahasomulere waghe ikere.



Abalhambayiri abandi bakahamba  
esya tighiti syabo sy'omwabyalha  
banemusondia aheryikalha  
omwabbasi eyiswire. Abaghole abali  
n'abana balere mubalhangira bathi  
bakabalembera ndeke, kusangwa  
olhughendo nilhuli.



Habere hahwa saha mwenda,  
munabuka ingowa eribirikira  
lyabalebesya bakabirikira abandu  
abakaghenda omwa kyalo. Neryo  
munabakulha esakira yaghe,  
nerihulhuka omw'abbasi  
Ihubalhuba.



Neryo munayihathathania hakuhi neridirisa. Oyuwabya ikere hakuhi naye mwahambirirya okwakyikapa kiwe ekyamatsitsi. Abya ambere esyakyapali, n'ekabuthe eyikulire kandi mwalhangirikana ngali mwobuba.



Omwanzira munatsuka eribya ingasuba omwalina ly'ekikaro ekya somulere waghi ikeremu. Ngakyinalengekanaya, neryo munahambwa othulho.



Ebilengekanio byaghe mubyabya  
ibinemusuba eka. Munayibulya ibwa  
iya mama anemwendibya ndeke?  
Esyambanya syaghe  
sinemwendisyaghuha? Mughalha  
wethu anemwesabya akasesera  
emithi yaghe?



Nabere nawusa ameso weyihya,  
mwanalhangira kunamasigha  
ekyalo kyethu, ahanabuthirawa  
nerikulhira, obo ngaghenda  
omwakibugha.



Eripakira mulyahwa nabulimundu  
mwikalha omw'abbasi. Abatembeyi  
aliryo bakabya ibakinayiyiseseraya  
eriwulia ebindu byabu. Buli  
mutembeyi akabirikira ebiri  
okwabeyi ngokwakaghulhaya.  
Ebindu mubyanzobera  
bakathabirikira.



Olhughendo lhukahika  
ahakathikathi, neryo omwakathi  
k'ebbasi mumwahisya. Munaliba  
ameso ingarondya othulho.





Ebbasi yabere yikatsimbulha munaiberiya omdarisa. Munayibulya indi obo mbwino nganemwesathasubulha erisuba omwakalo kyethu.



Abandi mubaghuha o'kwebyerinywa, abandi mubaghuha okw'abyalya eby'eritakunya. Abo abathabya bawithe sente, ngangye, mubakwama kyathungera.



Neryo ebbasi muyathera engombe yikamanyisya yithi thwamayahongoka. Neryo abalebesya mubabirikira abatembeyi erilhwamu kusangwa ebbasi yikayahongoka.



Neryo abatembeyi mubasukumana bakarondia enzira yerihulhuka omw'abbasi. Abandi mubasubulya okwasyambulho syabalyaghulha. Abandi mubalengesya erithasyaghulia esyomwiso.